


Mantencion edificio di Stadhuis



ORANJESTAD (AAN): cu e trabounan di mantencion di stadhuis. Dia 13 di januari lo cuminsa 2013 tur e partidonan envolvi a firma e acuerdo pa cuminsa

cu e trabounan di mantencion. E trabounan lo ta bou di guia di Monumentenbureau cu tambe ta e arkitecto den e proyecto aki y tin planea pa keda kla den aproximadamente 5 luna.

E compania encarga cu e mantencion di e edificio ta Van Kessel Havenbouw NV. Durante e temporada di mantencion e trabounan den censo lo continua normalmente, pero pa loke ta trata casamento, esakinan lo tuma lugar den e periodo di 20 di januari te ku 10 di februari na edificio di Fort Zoutman.

Una bes cu e trabounan a

termina e parehanan lo por contrae matrimonio atrobe den un sala di Stadhuis completamente drecha. E contratista lo percura pa finalisa e parti di mantencion di e trouwzaal prome pa despues continua cu e edificio di Ex Hotel Colombia.

Durante ful e proceso di mantencion e trahadornan di censo lo sigui traha den e edificionan cu tur inconveniencia cu esaki lo por trese. Ta spera cu Publico lo por tene cuenta y comprension pa cu e cambionan aki y si ta posibel hasi mas tanto uso di e hulpbestuurskantoor nan. Aunque cu e hulpbestuurskantornan no ta cay bou di Censo ora ta trata di uitreksel di 5.- nan tambe por duna e servicio aki. Porfavor pa lokual ta e uitreksel di 5.- haci completamente uso di e hulpbestuurskantoor nan. Asina ta duna oportunidad pa locual por na Censo so, y por tin mas espacio pa cu esaki. E contratista lo hasi tur esfuerso pa finalisa e trabounan den e tempo stipula. Stichting Monumentenfonds Aruba ta gradici tambe na censo pa nan colaboracion durante e trabounan cu lo bai tuma lugar.

Lamentablemente den e ultimo añanan e edificionan pa loke ta trata mantencion a bai bastante atras y esaki a causa basta incomodidad tanto pa e trahadornan y e publico cu ta hasi uso di e edificio diariamente y pesei Stichting Monumentenfonds awor lo inverti den un mantencion grandi pa e edificionan di censo mirando e importancia cu e edificio aki tin tanto pa censo como pa nos localnan y turistanan cu ta contrae matrimonio diariamente akinan.

E edificio aki caminda Stadhuis ta ubica, ta consisti di dos edificio e prome edificio ta ex Hotel Colombia construi na 1918 y e otro edificio a ser construi na 1925 pa Dr Eloy Arends, na 1986 e heredero di Eloy Arends a bende e edificionan aki cu Gobierno di Aruba. Na año 1997 e edificio a ser completamente restaura. For di año 1999 e edificionan aki ta bou di maneho di Stichting Monumentenfonds Aruba.